

新鑄古今事物原始全書

新鐫古今事物原始全書卷之二十六

明臨安徐炬明夫著

仁和張樸仲明校

鳳鵬鳳

鳳之出也應昌期而備五珍鵬之舉也振羽翰而搏九萬

鳳瑞鳥也雞頭蛇頸燕頤龜背魚尾色備五采高六尺許棲梧桐食竹實凡所棲止衆鳥從之羽垂三百六十鳳為之長一名聖禽一名丹山隱者鵬大鳥也莊子逍遙篇北溟有魚其名曰鯢鯢之大不知幾千

里也化而為鳥其名曰鵬鵬之背不知幾千里也怒而飛翼若垂天之雲南溟者天池也鵬之徙於南溟也水擊三千里搏扶搖而上者九萬里

鶴 鵠 鶴

白鶴飛鳴九臯其聲非鳶鳥所及黃鵠橫絕四海其志豈燕雀所知

鶴之上者瘦頭朱頂露眼黑睛高鼻短喙長頸踈身鳶翼雀毛龜背鰲眼軒前垂後軀尚索故其色白聲聞於天故頭赤食於水故喙長軒於前故後趾短棲於陰故足高而尾彫翔於雲故毛豐而肉踈行必依

洲渚止必林木蓋明族之宗長仙人之騏驎七年小  
變十六年大變百六十年變止六百年飲而不食雌  
雄相視而孕胎化而產鳶鳳按鵠水鳥也有黃有白  
五鳳之一也漢高紀楚歌云鳴鵠高飛兮一舉千里  
羽翼已成兮橫絕四海橫絕四海兮將柰何雖有鵠  
鵠兮何所施史記云鳴鵠之志非燕雀所知陳勝傳  
燕雀安知鳴鵠之志

孔雀 山雞

孔雀遇雨而高棲惜其尾也山雞照水而自溺矜其  
彩乎

孔雀產益州高三四尺雌者尾短無金翠雄者五年  
成尾初春生四月凋與花同榮謝惜其尾歆棲先覓  
置尾處遇雨則高棲土人欲取其尾潛形於叢篁之  
間伺過速以刀斷之若斷之不速回頭一顧無光彩  
矣一名文禽一名鳳友曰越鳥曰都護蒙古人呼為  
倒虎按山雞雉也爾雅云雉有數種青質五色曰鷩  
雉長尾走且鳴曰鵲雉黃色自鳴曰鳴雉似小雞而  
小冠曰鷩雉五色備而成章曰翬雉左傳所謂五雉  
是也尚書名曰華虫左傳曰丹鳥曲禮云䟽趾漢史  
曰野雞潘岳賦曰良游格物論曰錦雉又名鷩鷩其

毛光彩鮮明煇耀終日影水月眩自溺雉性介交有  
時別有倫其交不再儀礼士相見執雉取其守介不  
失節之義周成王時越裳氏獻白雉漢高帝呂后名  
知避后諱改曰山雞

雉鳩 黃鳥雉又作鵒

雉鳩在于河洲黃鳥集于灌木

詩云關關雉鳩在河之洲雉鳩水鳥也狀類鳬鴨生  
有定偶而不相亂偶常匹遊而不相押而詩首關雉  
按黃鳥鶯也月令謂之倉庚東坡謂之黃公齊人謂  
之搏黍詩疏謂之鵒鵒幽州謂之黃鶯爾雅云黃鳥

鳴而蚕生曰商庚曰鷓鴣黃曰楚雀曰黃栗鵲曰金衣公子皆鶯之別名詩云黃鳥于飛集于澧木

雪衣娘 赤鵲公

雪衣娘被樊籠之羈縻而尾雀笑之赤鵲公暫濠梁之失勢而望潮悔焉

雪衣娘鸚鵡也格物論云能言之慧鳥朱嘴鈎吻人舌翠頭金眼玄頸碧羽赤足翠尾兩指向前兩指向後出嶺南明皇雜錄天寶中鸚鵡養宮中號雪衣娘後封綠衣使者後漢書謂之馴禽山海經曰慧鳥異域志謂之靈禽曰武仙即戴蟬兒武遊即鳳花臺多

花子踏蓮露桂家娘子皆鸚鵡之別名雀小鳥也巢於尾隙故名尾雀唐順宗時拘弭國進却火雀置于火中其火自散孔氏六帖云季秋雀入水化為蛤月令云九月雀入大水為蛤又按廣東惠州志云海中黃雀魚八月化為黃雀十月後入海復化為魚此乃黃雀非尾雀也其味極佳故崔豹古今注曰佳賓按赤鯉公鯉也唐朝姓李故諱之號鯉為赤鯉公為百魚之王望潮小魚也長寸餘色黑無鱗而口闊潮來則跳於潮面潮退穴居泥中

燕 鴈又作雁



燕稱天女青海遠傳王榭東鴈名朱鳥真州曾寄却  
經書

按燕有二種紫曾輕小者越燕也斑曾聲大者胡燕  
也作巢喜長白色者數百歲燕也生胡鬚者數千歲  
燕也京房謂之天女莊子謂之鷦鷯層書謂之玄鳥  
月令云二月玄鳥至崔豹謂之杜公又名鳥衣郎齊  
人曰燕梁人曰鷽小說據遺云唐王榭航海舟破附  
一板至一州見皂服人曰此吾主人也引見王王坐  
大殿左右皆婦人王烏袍烏冠金花閃閃王以女妻  
榭王曰入吾國者漢有梅城今有足下命作詩詩末

云恨不此身生羽翼女曰何相譏也王不悅榭問女  
曰此何國也女曰烏衣國後榭思歸命榭入飛雲軒  
閉目少息已至家笑視之乃烏氍毹子也梁間雙燕  
呢喃下視榭方悟所至乃燕子國也及秋燕歸榭附  
書於燕尾曰悞到華胥國裏來主人終日獨憐才雲  
軒脫去無消息淚灑東風幾百回明年春燕復來女  
附詩於榭云昔日相逢真數合如今隔遠是生離來  
春縱有相思字三月天南無鴈飛按鴈洎江湖間動  
計千百大者居中令鴈奴圍而警察飛有先後行列  
秋南而春北鴈之大者謂之鴻羽毛純白小雅謂之

陽鳥言隨陽而至也關東謂之鴛一名鷓鴣一名羽  
書使者其白鴈河北人呼為霜信故杜詩有故國霜  
前白鴈來之句鴈性惡熱故秋南而冬北衡陽有回  
鴈峯而鴈飛不過蓋南地極燠而鴈畏熱之故唐詩  
云三洲水淺魚來少五嶺峯高鴈過稀鴈與燕相反  
燕以春分來鴈以春分去月令云八月鴈鴈來九月  
鳴鴈來賓蓋八月白露節鴈先到者為主而九月寒  
露此時來者皆後至矣故為賓漢武帝幸東海獲赤  
鴈故鴈名朱鳥世言鴈足繫書是蘇武事按蘇武傳  
漢遣使求武等匈奴詭言武死漢使復至有常惠請

其守者俱得夜見漢使備陳其故教漢使謂單于言  
天子射上林中得鴈足有繫帛書言武等在其澤中  
使者大喜如惠語以諺單于視左右而驚謝漢  
使因歸武故曰此偽事也惟元時郝經因元世祖歆  
定和議於宋以郝經為侍講學士佩金虎符充國信  
使以行賈似道拘留儀真不遣至元十一年伐宋問  
執行人之罪時經在拘所十五載用帛書曰霜落風  
高恣所如歸期回首是春初上林天子援弓燬窮海  
累臣有帛書中統十五年九月一日放鴈獲者勿殺  
國信大使郝經書以蠟丸帛繫鴈足祝北飛十二月

伯顏師渡江十二年二月似道懼送經歸國三月虞人獲鷹於汴梁金明池四月經至燕七月卒其書中統十五年即至元十一年

鶚 鷹

鶚迅馳而厲霜殺鷹搏兔而截鵠鵝

鶚大鵠也李華作鶚執狐記擊豐狐於中野雙驢宿六馴垂雲迅若電馳厲若霜殺吻啄肝腦爪鉤腎腸昂藏自雄倏然而逝問名於耕者對曰此黃金鶚也鷹爾雅謂之爽鳩金眼鉤嘴鉄爪劍翼百陽雜俎曰有鷹名漁陽大重五斤六帖云楚文王好獵天下名

鷹聚焉有人戲一鷹俄而雲際有一物翱翔鮮白不  
辨其形鷹見竦然而升若電湏臾羽墜如雪血灑如  
雨良久有大鳥墮地而死度其兩翅廣數里喙邊有  
黃人莫識之有一博物君子曰此大鵬雛也孫楚鷹  
賦擒狡兔於平原截鸞鵠於河渚樂天詩云十月鷹  
出籠草枯雉兔肥下講隨指顧百擲無一遺鷹翹疾  
如風鷹爪利於錐本為鳥所設今為人所資柳子厚  
詩淒風浙瀝飛嚴霜蒼鷹上擊翻曙光雲披霧裂虹  
蜺斷霹靂掣電峭平崗善能勁翼剪荆棘下櫻狐兔  
騰蒼茫瓜毛吻血百鳥逝獨立四顧時激昂

白鵬  
華虫  
蟲

白鵬可以易璧韋虫得以飾衮

白鵬形類雞白質黑韋尾長四五尺軀備冠距嘴純  
丹最為可翫有黑白二種一名越鳥李白聞胡公有  
兩白鵬求贈以詩云請以雙白璧置君雙白鵬白如  
錦白雪恥容顏我願得此鳥翫之坐碧山胡公能輟  
惠籠寄野人還按華虫雉也黃帝制衮衣而成於舜  
以日月星辰山龍華虫六者繪之於衣許表民詩云  
作禽莫作鳴鳩婦一生別離隨風雨不如錦雞田野  
中朝朝暮暮飛相從畦中紅豆半垂角雄有不來雌

不啄水邊老人拾穗歸遲獨行雉不飛

鬼雀 喜郎

鬼雀鳴則凶設在積善之家亦有餘慶喜郎噪則吉在積不善之家亦有餘殃

鬼雀事林謂之老鴟而卑居鸞斯楚烏雅烏皆鴟之別名白頭者名燕烏鳴則有凶按喜郎乃鵲也碎事云名曰神女傳燈錄謂之芻尼一名喜郎一名飛駃說文云鵲知太歲之所在博物志云鵲巢開口背太歲此非才智任自然也月令云季冬鵲始巢淮南子曰乾鵲知來而不知往知來歲之風巢於下枝不知



童子探其卵梁蕭紀詩云欲避新枝滑還向故巢飛  
今朝聽聲喜家信必應歸古云鵲噪非為吉鸚鳴豈  
是凶吉凶人自召不在鳥聲中

鵲 隼音笋

鵲有義夕煥鳥而朝見釋隼有隼憫懷胎而慈不戮  
張九齡鷹鵲圖序云鳥之鷙者曰鷹曰鵲鷹也者名  
揚於尚父義見於詩鵲也者迹隱於古人史闕其載  
豈昔之識物者亦有所遺耶然羽族之中絕有豪氣  
剛悍顧視之間偉如也埤雅云鵲擒盈握之鳥夜以  
煥其爪旦即縱之鳥往東去是目不東向其義性如

此莊子曰營全鳩以自煖乃詰朝而見釋是也

按隼乃鷂屬一名擊征鷹之搏物不能無失獨隼百  
發百中遇懷胎之鳥釋之故曰隼有準憫胎而不戮

碧繼翁

時樂了

繼

碧繼翁立當青草人先見時樂了語藏綠柳語方知  
碧繼翁鷺鷥也賈博於鏡湖見二叟一呼碧繼翁一  
呼篁樓叟望見賈博至遽揖之化為鷺去東坡詩稱  
雪衣兒杜牧賦稱風標公子廣記云荻塘女子而屬  
王春鋤絲禽皆鷺之別名杜牧詩霜衣雪髮青玉嘴  
群捕魚兒溪影中鷺飛低映碧山去一任梨花落晚

風又云立當青草人先見行傍白蓮人未知北戶錄  
云時樂了大略如鸚鵡純綠色雜俎云唐明皇時有  
五色鸚鵡能言帝令左右試牽帝衣鳥即瞑目叱咤  
熊延京獻鸚鵡篇張燕公表賀稱為時樂鳥

鸚鵡 鸚鵡

鸚鵡有友悌之義鸚鵡有庠序之儀

按鸚鵡鸚鵡也一名精列一名錢母謂項下有連錢  
之文也格物論云水鳥也大如雀鸚尾長嘴尖背青  
腹白頸黑飛則鳴行則搖尾如有急難之意如兄弟  
在急難之中故今特以鸚鵡比兄弟謂此按鸚鵡鷹

也昏禮納采用鴈者謂其有序也

鴛鴦 青蚨

鴛鴦雌雄相匹得其一則其一思而死青蚨子母相  
隨藏其一則其一飛而還

崔豹古今注鴛鴦似鳬毛有文彩頭白如鸛鵒之有  
五彩雌雄未常相離一名文禽一名珍禽養子於土  
窟破塚之間能使狐衛其子搜神記云大夫韓朋名  
憑妻美康王奪之朋自殺妻乃陰腐其衣王與之登  
臺自投臺下而死遺書於帶曰願以尸還韓氏而合  
葬王怒令埋之兩塚相望經宿忽見有梓木生二塚

之上根交於下枝連於上世倂所謂在地願為連理  
根即此故事有鳥如鴛鴦常棲其上朝暮悲鳴南人  
謂此禽乃韓朋夫婦精魄曹諱詩云江上相隨不暫  
離藏頭花渚睡多時泥融沙煖俱春思只許風流燕  
子知李白白頭吟云錦水東北流波蕩雙鴛鴦雄巢  
薄宮樹雌弄秦草芳寧同萬死碎不忍雙分張古師  
老詩云江島茫茫煙靄微綠蕪深處刷毛衣渡頭驚  
起一雙去飛上文君舊錦機按廣雅云青蚨失南海  
如蟬其子著木一名蟪蛄搜神記南方有虫名曰蜺  
蠋其形如蟬辛美可食其子如蟬種取其子歸則其

母飛來殺其母塗錢子塗貫用錢則貫自還

魚虎 鵙鵙 虎

魚虎護雛而徙巢鵙鵙教子以銜翼

魚虎翡翠也曰翠雀曰魚狗曰碧衣女子皆翡翠之

別名格物論翡翠一種而二色赤羽曰翡雄也大如

鳩其毛赤紫羽青不深而無光林棲而不食魚青羽

曰翠雌也形大如燕青黑色翎深青而有光入水食

魚埤雅謂之鵙爾雅謂之翠鵙曹組詩云江上小堂

巢未空新雛紺羽一重重有時死結鴛鴦伴同作春

禽繡帳中劉王孟詩避人忽起鳴衣港掠水飛來至

釣磯靜處欲看留不得翠光點破夕陽歸曹緯詩云  
錦里江頭春水生舍邊來為竹高鳴羽殘毛鍛堪憐  
爾長有人間彈射驚其鳥各據溪曲猶雉之分界莊  
子曰翡藏各據溪曲雉飛不越分域是也每生雛則  
易高巢按鳩鵲一名鳩鵲埤雅謂之鵲其形如鳬高  
脚翠羽毛冠巢於蘆葦能辟火災雌雄交以晴其子  
啣母翼而李飛淮賦云鳩鵲啣翼而低昂是也

斥鷃 科斗

斥鷃騰躍於蓬蒿自以為飛之高矣摩漢之鵬語以  
山巍巍之昊天而弗信也科斗拘隘於坳井彼以為居

之廣矣橫海之鯢告以浩浩之滄海以為誣也

按斥鷃一名鴛內則謂之鶉鷃月令云三月鼠化為鴛是鶉也鶉也鴛也一物三名鷃一名鷃似鷹而大其飛上薄雲漢翱翔水上翮魚出水則沸波攫而食之故又名沸河按科斗即蝦蟇子也月大則先生前兩足月小則先生後兩足聞雷則尾脫而脚生其聲哇淫故名蛙又名活東又名款東一種長脚蝦蟇眼目如怒有一種形大名蟾蜍背多痂磊行甚遲緩不善跳躍亦不解鳴生人家濕處腹下有丹書八字及頭有角者真蟾蜍也子從口吐糞從口出最大者名



田父能食蛇蛇行而田父逐之蛇不能去田父啣蛇  
尾久之蛇死尾後數寸皮不損而肉已盡

鸚鵡 鸚鵡 鸚鵡 鸚鵡

鸚鵡足交剪其舌而能言鸚鵡性靈摩其背而即啞  
按鸚鵡似鴟而頭有幘色黑金眼而穴居一名寒臯  
俗名八哥亦鸚鵡也養之易馴考工記云鸚鵡不踰  
齊昭公二年鸚鵡來巢書所誣也山谷詩云風晴日  
煖搖雙竹竹間相語兩鸚鵡鸚鵡之肉不可殺人生  
不材果為福子舟之筆利如錐千變萬化皆大機未  
知筆下鸚鵡語何似夢中蝴蝶飛按鸚鵡鸚鵡也

反舌 杜鵑

君則有譏反舌過時發口洛陽將亂杜鵑得氣先鳴  
黃山谷云余讀周書月令反舌無聲譏人在側乃始  
解杜詩有過時重發口君側有譏言之句按反舌蒼  
毛小嘴小於鸚鵡能反覆其舌故名反舌能隨百鳥  
聲故又名百舌二三月鳴至五月反舌無聲張舜民  
詩學盡百禽語終無自己聲深山喬木裏緘口過平  
生劉禹錫百舌吟曉星零落春雲低初聞百舌間閑  
啼花枝滿空迷處所搖動繁枝墮紅雨笙簧百轉音  
聲多黃鸝吞聲燕無語按杜鵑一名杜宇一名子規

又名鷦鷯楚詞云鷽鷽鷽之先鳴使百草為之不芳  
解者以鷽鷽為杜鵑也杜鵑形大於鵲而鳥羽三四  
月間夜啼達旦其聲哀吻血漬草木自呼謝豹思歸  
樂其音不如歸去江介曰子規蜀右曰杜宇以山而  
言自南而北曰杜鵑許慎說文謂之王睢鷽鷽關東  
曰寧鷽關西曰巧婦曰子雋曰催歸曰雋周曰蜀帝  
曰蜀魄皆杜鵑之別名寄巢生子百鳥哺其雛尚如  
君臣之禮寰宇記云蜀之先肇於人皇之際黃帝之  
子昌意生帝嚳後封其支庶於蜀名蚕叢氏後王曰  
杜宇號望帝立荊人鰲靈為相自以為德不如靈遂

禪位亡去化為子規蜀人聽其鳴曰我帝魂也又按  
盧永成都記曰蜀王杜宇稱望帝好稼穡治郫城死  
化為鳥名曰杜鵑故詩云莊生曉夢迷蝴蝶望帝春  
心托杜鵑杜荀鶴詩云楚天宮闕月成輪蜀魄聲聲  
似告人啼得血流無用處不如緘口過殘春羅鄴詩  
蜀魄千年尚怨誰聲聲啼血滿花枝滿山明月東風  
夜正是愁人不寐時韋應物詩高林滴露夏夜清南  
山子規啼一聲隣家嬌婦抱兒泣我獨展轉何為情  
聞見錄云邵康節至洛陽天津橋忽聞杜宇聲曰北  
方無此物異哉不及十年江南有以文亂天下者客

曰聽杜鵑何以知此康節曰天下將治地氣自北而南天下將亂自南而北今南方地氣至矣禽鳥非類得氣之先也

爽鳩

鳥鬼

爽

臂爽鳩以搏兔養鳥鬼以捕魚

爽鳩鷹也少昊以鳥紀官有爽鳩氏司寇也孫楚賦云擒狡兔於中原鳥鬼鸛鷀也一名鳥鬼杜甫詩家養鳥鬼頓頓食黃魚一名鳩鷀吳俗呼為摸魚公其骨能治哽咽喉熱如湯魚到喉即爛水食而木巢雛不卵生而口吐多則八九少則五六相連而出若

絲緒然杜臺卿淮賦云鸕鷀吐雛於八九或曰卯生

鸕鷀

鸕鷀嘴利而開蠹穴鳩性拙而居鳩巢

鸕鷀啄木也雷公採藥吏所化有大小斑褐雌褐而雄斑剛爪利嘴長舌有刺穿木食蠹淮南子曰鸕鷀畫印開穴出蠹而鼠竊之左傳有五鳩曰祝鳩睢鳩鳴鳩鵲鳩鸕鷀鳩一名鸕鷀其鸕鷀灰色無繡項陰則屏逐其匹晴即呼之常應物詩天將陰鳴鳩逐婦鳴中林鳩陰怒啼無好音天雨止鳩喚婦歸鳴且喜婦不亟還呼不已逐之其去恨不早不肯來時固其理謂之

班鳩者何班者次也哺子朝從上而下暮自下而上  
言次序故曰班行則雌前雄後其祝鳩性噎而孝周  
官羅氏仲春獻鳩以養國老蓋以鳩性不噎之故其  
性拙不能為巢詩云維鵲有巢維鳩居之

信天翁 穿山甲

信天翁開口以俟魚而內黃舍人笑之穿山甲浮水  
以出螻而曲身小子竊焉

信天翁似鷗居水濱食魚不捕魚俟鷹所得之魚偶  
然墜地拾而食之內黃舍人蟬也穿山甲一名鱧鯉  
甲似鼉而短小黑甲而四足能陸能水日中出岸放

開鱗甲如死其氣味羶蝗大蟻也蟻慕羶入其甲內  
候蟻滿閉甲入水既而開甲蟻皆浮出接而食之按  
曲身小子蝦也一名虛頭公

雞 鵠

雞有五德之美朝以趨夕暮以羈稗人賤之而烹之  
以其出近而多也鵠無九苞之文貯以雕籠餌以玉  
粒人貴之而愛之以其來遠而少焉

按雞有數種越小蜀大而魯雞又其大者越雞不能  
伏鵠外魯雞固能矣康居之雞尾長五尺重翼而四  
距為雞之龍家雞屬陽先鼓翼而後鳴野雞屬陰先



鳴而後鼓翼五德者首戴冠文也足搏距武也敵在前敢鬪勇也見食相呼仁也守夜不失時信也韓詩外傳云田饒事哀公而不見察告哀公曰臣將去君黃鵠舉矣雞有五德君烹食之以其從來近也鵠無此五德而君猶貴之以其從來遠也鵠有黃有白

畢鵠

鵠鵠

鵠

鵠

畢鵠獨足而立鵠鵠比翼而飛

按爾雅云畢鵠獨足鶴也尚書故實云漢武時有獻獨足鶴者東方朔曰此山海經所謂畢鵠也按鵠鵠比翼鳥也一目一翼必得二鳥相兼乃飛故名鵠鵠

山海經云崇丘之山有鳥一目一翼相並而飛即此

鷗 鳧本作鳧

鷗三月而集洲島鳧經年而泊江湖

按鷗水鳥也數百為群三月風至乃集洲島按鳧野鴨也色白而頸有毛泊於江湖每百為群食沙石皆消惟食海蛤則不消隨其糞出有人得海鳧毛長三丈以示晉張華華曰此海鳧毛也出則天下亂

爰居 辟邪 爰

鄭子產祀爰鷗於魯門漢宗賢鑄辟邪於墓道

按爰鷗海鳥也似鷗而大史記云子產祀爰鷗於魯

門漢宗賢墓前两石獸似鹿長尾一角者名曰天禄  
两角者名曰辟邪漢之天禄閣名本此

蒼鷺 卑居

蒼鷺之色純而黃明皇亦愛之賜號金衣公子卑居  
之聲躁而惡夷人亦惡之呼為禿列老瘟

倉庚鶯也開元遺事云唐明皇於禁苑中見黃鶯呼  
為金衣公子梅聖俞詩最好音聲最好聽似調歌舌  
更叮嚀高枝拋過低枝去金羽脩眉墨染翎鄒谷詩  
云春雲薄薄日暉暉宮樹煙深隔水飛應為能歌繫  
一韉麻姑乞與女真衣韋蘇州詩東方欲曉花冥冥

鶯啼相呼亦可聽歌轉不轉意自嬌羞兒弄笛亦  
調前聲後聲不相及秦女學笙柱猶澁卑居老鴟也  
夷人惡老鴟之聲而呼為禿列老瘟禿列者惡物也  
老瘟者言其當瘟而不瘟也

鷦鷯巢林鷦鷯足鼯鼠鼠飲河滿腹不勝

爾雅云鷦鷯似黃雀而小巢於荇荇其巢甚密荀子  
曰訪象鳩婦人或吞其卵或取其巢燒以薰手即巧  
又名巧婦曰桃虫曰桃雀曰女匠曰女工曰襍雀皆  
鷦鷯之別名鼯鼠生滄海中首似鼠足黑無尾常伏  
水中大者千斤莊子曰鼯鼠飲河不過滿腹

秦吉了 海東青

秦吉了能笑而能言海東青善攫而善搏

按秦吉了生秦中頗類鸚鵡腦有肉冠亦能言笑按  
楊文公談苑登州海岸有鶻自高麗飛來似鷹而大  
名海東青草虫經云有鳥有鳥海東青雙眼耿耿如  
日明善搏駕鵝駕鵝即天鵝也

鷓鴣

鷓鴣

鷓鴣

鷓鴣夜飛嚼葉以覆背鷓鴣夜出附鼻以隱身

鷓鴣小野雉也大臆前有白點背毛紫赤相間雌呼  
曰鈎輈格傑雄呼曰行不動奇奇比竹雞畧小又呼

泥滑滑晉安謂之懷角江右謂之逐隱莊子曰鷓鴣  
夜飛銜葉覆背劉王孟詩冥冥花絮隔遙山漠漠風  
煙暗百蠻曾向王陵啼竹裏羽毛猶帶血痕斑李白  
詩若竹嶺頭秋月暉若竹枝南鷓鴣飛嫁得燕山胡  
鴈婿欲銜我向鴈門歸山雞翟雉來相勸南禽多被  
北禽欺紫塞嚴霜如劍戟蒼梧故巢難背違我心誓  
死不能去哀鳴驚叫淚沾衣杜詩山鷓鴣朝朝暮暮  
啼復啼啼時霜白風淒淒黃茅岡頭秋日晚若竹嶺  
下寒月低畬田有粟何不食石楠有枝何不棲迢迢  
不緩緩不急樓上舟中聲暗入夢鄉賈客展轉卧抱

兒寡婦傍徨立山鷓鴣你本他鄉鳥不辭巢不別群  
何若雙雙啼到曉啼到曉誰能愁北人南人慣聞如  
不聞按鷓鴣有丹白二種初生曰羅鷓初秋時名曰  
早秋中秋已後名曰白唐夏出秋藏飛則附草乃火  
類也無常居有常匹性淳不越橫草恐觸其喙也如  
遇橫草則旋行轉避亦性淳之故也列子天瑞篇蛙  
變為鷓鴣月令三月田鼠化為鴽素問云鴽即鷓也

戴勝

布穀

穀

戴勝降而蚕事舉布穀鳴而農功興

按戴勝一名鷓鴣月令三月戴勝降於桑按禮記注戴

勝布穀也或曰乃織社之鳥頭上花毛成方勝者江南蚕生之時有白頭黑衣之鳥集於桑以食苣理或也按布穀一名鵲鵲江東呼為郭公爾雅謂之鳴鳩禮記謂之鳴鳩月令 鳴鳩拂其羽俗名脫布褲黃山谷詩著新替舊亦不惡去年租重無褲著不辭脫褲溪水寒水中照見催租癡

朱鴈 赤鷺

漢闕作朱鴈之歌楚庭見赤鷺之舞  
史記漢武帝幸東海獲赤鴈作朱鴈之歌埤雅云楚威王時有赤鷺合沓而舞作鼓吹朱鷺曲



鷓鴣 鷓鴣本作鷓

鷓鴣之膏可瑩劍鷓鴣之彩可飾衣

鷓鴣水鳥也形如鴨其脚連尾不能陸行常在水人至則沉擊之則起其膏瑩劍如霜異物志云鷓鴣水鳥也小於鴨其毛五色在溪中能勅邪逐害今文取六品七品服色用鷓鴣鷓鴣

鷓鴣 鳥

鷓影接而懷卵鳥涎傳而成孕

鷓水鳥也似鷓脚長影接而懷卵伏卵時數入水浴則卵不煨仰鳴則晴是有見於上也俯鳴則陰是有

見於下也其鳴也以喙一名負金背竈鳥孝鳥也小而群飛能反哺其母故名慈鳥大嘴鳥唇鳥向啼而背棲燕背飛而向宿鴛鴦交頸而感慈鳥傳涎而孕莊子曰烏鵲孺是也此鳥雄者右翼覆左雌者左翼掩右俱無肺胃李白作棲鳥啼云黃雲城邊烏欲棲歸飛啞啞枝上啼機中織婦秦川女碧紗如煙隔窻語停梭悵然憶遠人獨宿孤房淚如雨文鑑云烏啼東南枝危巢離五六心在安巢枝一日千往復脫網得群食入口不入腹窮生俾反哺豈能報成育

鶴雞

百鳥志卷之二十一  
鵠清禽也衛懿乘軒而失國雞關玩也吳王累土以  
嘉波

左傳閔公二年衛懿公好鶴鶴有乘軒者及狄人伐  
衛受甲者皆曰使鶴鶴有祿位大明一統志關雞陂  
在吳縣境吳王養雞之所又有魚城獐巷鹿洲

駕鴈

仲秋駕化為鼠而反始仲春鷹化為鳩而復仁  
按駕即鷓鴣也月令三月鼠化為鴽至仲秋而鴽化  
為鼠故曰反始月令云七月鳩化鷹而不仁二月而  
鷹化為鳩是復仁也

鵝 鴈

鵝鴈異賦

鵝伏隨日朝東首而暮西鴈性隨陽秋賓南而冬北  
按鵝有蒼白二種蒼食虫而白者不食其性頑而傲  
其顙如瘤長頸善鳴能轉旋其項古之學書者法以  
動腕王羲之愛鵝為此

伯勞 鳬鳥

夏至鳴冬至止伯勞也春分來秋分去鳬鳥乎  
按伯勞一名鵙一名博勞一名百勞離騷謂之鷓鴣  
又曰寧鵝曹植惡鳥論尹吉甫信後妻讒殺孝子伯  
奇吉甫後見伯勞其音若切吉甫曰是吾子棲吾輿

尋飛棲其蓋歸飛入門集于井幹之上向室而號吉  
甫遂射殺其妻時俗以伯勞鳴有凶謂此玄鳥燕也

飛奴 青鳥

張九齡使飛奴以傳信不必長鬚西王母有青鳥以  
侍傍何須赤脚

飛奴鵠也開元遺事張九齡養群鵠與親識書繫於  
鵠足依所教飛生投之號飛奴梅聖俞詩孤來有野  
鵠嘴眼肖春鳩一日偶出群盤空恣嬉遊誰借風鈴  
響朝朝聲不休名畫錄蜀人黃筌畫金盆鵠鵠圖世  
稱絕筆漢武帝時有青鳥飛集殿前東方朔曰西王

母將至有頃王母至三青鳥夾侍王母之傍故青鳥  
稱為王母使者其長鬚赤脚乃奴婢名也盧仝詩云  
一奴長鬚不裹頭一婢赤脚老無齒

雀語 羊舌

公冶長解雀語而被拘寧叔向母埋羊舌遂為姓氏  
世傳公冶長解鳥語有雀飛鳴呼之曰公冶長公冶  
長南山有箇虎馱羊爾食肉我食腸當亟取勿徬徨  
子長如其言入山果得大羊食之有餘及亡羊者跡  
之得其角訟之繫之獄孔子嘆曰公冶長雖在縲紲  
之中非其罪也未幾子長在獄舍雀復飛鳴呼之曰

公冶長公冶長齊人出師侵我疆沂水上嶧山傍當  
亟禦勿傍徨子長告獄吏白於魯君亦不信也姑如  
其言而往探之齊師果將及發兵擊齊獲勝而釋子  
長歆爵之子長耻因禽獸得祿不受沈佺期燕詩不  
如黃雀語能免子長災按家語有攘羊者以羊頭遺  
叔向母埋之三年事發追捕向家頭肉俱盡惟有舌  
在國人異之遂以羊舌為氏

羗驚畢方羗

羗驚見年稔而民安畢方出人災而邑火  
按師曠禽經曰南方有鳥名曰羗驚赤身赤首五色

皆備而冠亦五色一名世樂此鳥見年豐而民安西  
域有靈鷲山按山海經章義山有鳥如鶴而一足赤  
文而白喙名曰畢方出則人有灾而邑有譌火

鷓鴣

鷓鴣朝鳴而大風鳩暮喚而微雨

鷓似鴟善飛騰故曰鷓飛戾天江湖間捕魚而食劉  
禹錫鷓操云鷓飛杳杳青雲裏鷓鳴蕭蕭風四起旗  
尾飄揚勢漸高箭頭若劃聲相似長空悠悠齊日懸  
六翻不動疑飛煙遊鷓翔鴈出其下慶雲清景相迴  
旋忽聞鷓鳥噪相聚聲著雲中爭腐鼠騰音厲吻相



喧呼仰天大嚇疑鷄雛畏人避犬投高處俛啄無聲  
猶屢顧鷹隼儀形蝼蟻心雖能戾天何足貴鳩釋前

游波 鷺膠

涸海焦川投游波而即汎斷絃折劍塗鷺膠而復連  
游波類海蛤能致雨化水鷺雞身赤尾而五彩鳴中  
五音似鳳多青取血為膠可續斷絃折劍陶穀風光  
好詞云斷絃何日續鷺膠今人娶後妻曰續絃此義

鷺 鷺

鷺乘逆氣而退飛鷺左順風而東向

按鷺水鳥也有彩色今船頭所畫者是其遺像浣紗

記有彩鷁波心泛之句鵲義釋前

鷁 馬蜩

鷁飲水數斗而不足馬蜩飲露一勺而有餘

山海經云鷁似鵝而人足頷下大如囊因以盛水貯魚性好群飛遇小澤有魚各以囊取水水竭魚露而食之一名淘河一名逃河然此鳥胃中有肉二塊其大如拳世傳昔日有人盜肉逐至河邊溺河而化此鳥肉尚存也曰沔澤曰護田曰鷁虞乃鷁之別名此鳥專以智力取魚馬蜩蟬也

鬼車 商羊 商

鬼車九首而夜飛商羊一足而兩舞

鬼車一名逆鷓俗名九頭鳥夜飛昔有十頭為犬所噬今止九頭其一頭常下血滴於人屋則凶昔孔子夏見之圖其九首而歌之此鳥產婦死而變之能取人之子以為己子曾前有兩乳玄中記云一名天帝少女一名隱飛一名夜行遊女能收人之魂魄好取人家小兒養之養小兒之家則以血滴為誌今時小兒之衣不敢夜露者為此周禮以救月之弓矢射之亦即此義此鳥衣毛則為鳥著衣則為婦人

鷓鴣

鷓鴣

鷦之虬蚊也有草鳥之異鴨之出雛也有湯火之殊  
按鷦乃蚊母也巢於江河之間黃白雜紋每叫則吐  
蚊二三升雛云惡水中羽虫所化如塞北有蚊母草  
江東有蚊母鳥嶺南蟲母草不獨惡水中產蚊也埤  
雅云野鴨為鳬家鴨為鶩余按許慎說文云鳬鶩也  
則家鴨不當為鶩又按滕王閣記落霞與孤鶩齊飛  
則家鴨非鶩益明雛伏卵二十日而化鴨伏卵三十  
日而化今廣東用湯燂鴨卵則出雛浙江用火焙則  
出雛

流雛 重明

斬流離之首以掛木惡其不孝也畫重明之形以貼門以其辟邪焉

按流離梟鳥也不孝長而食母一名栗留又名掛首冬至斬其首掛於木上故名關東呼為流離又名夜行遊女謂其日中不見丘山夜則蚤察毫末桂林取養以捕鼠漢時午日賜梟羹與群臣惡其惡也王嘉拾遺記堯時祇及國獻重明鳥形似雞或一月數來或數歲一來國人掃門以待或刻金寶為其形像置於門上則邪鬼畏服今人畫雞貼於門上即此意也

鳩  
鳩

鳩食蝮蛇鳩而毒鵠私群鳥而淫

按鳩大如鴉紫綠色頸長七八寸食蝮蛇以其毛雜飲食殺人鳩與鵠同按鵠似鴈而大無後趾而虎文陸佃云鵠性群居如鴈而有行列鵠連蹄不喜樹止若樹止則為砦矣詩云肅肅鵠羽註云肅肅羽聲也又按鵠經云老鵠愛錢威逼佳人生巧計註云鵠似鴈居山中其性最淫逢鳥即與之交今之妓母取名老鵠者以其淫也其字畫七十鳥為鵠字取義謂其與多鳥相交之故也此鳥按詩註似鴈無後趾不喜樹止陸佃則曰鵠性群居如鴈而有行列鵠經又云

最淫故妓名取為老鴿三說不同俟博雅正之  
事物原始卷二十六終

事物原始卷之二十六終

新鐫古今事物原始全書卷之二十七

明臨安徐炬明夫著

仁和張楨仲明校

麒麟 白澤

周道不興而麒麟獲聖德及遠而白澤來

按禮記毛虫三百六十而麟為之長麋身馬足牛尾  
黃色圓蹄一角角端有肉高一丈二尺合仁抱義行  
步中規拆旋中矩音中鍾呂不履生虫不折生草不  
群居不旅行不犯陷穿不懼網罟中國有聖人出則  
至麟鳳五靈王者之嘉瑞麟為之首白澤獅子也一



名後猊一名馱一名鉄額將軍形似虎正黃色有鬣  
尾端茸毛大於斗銅頭鉄額鈎爪鋸牙珥跪足目如  
電吼如雷能食虎豹為毛虫之長日行五百里生西  
域西國能馴養獅子故有獅子國瑞應圖云黃帝迄  
於東海白澤出能言語此賢君德及幽遠而出也我  
朝成化戊戌西夷貢獅凡虎食有毛之物必用舌舐  
毛而食惟獅則舒前足而擎物吹氣一口則毛自落

虎豹 鳳鵠

虎豹之子雖未成文而氣已吞牛鳳凰之雛雖未奮  
翼而色殊凡鳥

虎乃牛哀所化黑章鈎爪鋸牙生倒刺無小腸腎懸於腹而畏羆夜視一目放光一目看物食物遇耳即止食犬則醉虎之白者為羆黑者為魑青者為羅楚人名虎曰於菟為山獸之君故名山君曰金波羅曰白額將軍曰嘯風子皆虎之別名胡人謂之巴而思豹毛赤黃其文黑而中空猛捷於虎易曰君子豹變大人虎變非虎變豹非豹變虎假喻而已

象 龜又作龜

象以齒焚而見焚龜以壳靈而見灼

象之鼻牙俱長三年一乳頭不可俯頸不可回運用

以鼻將死以牙觸石以牙為身害也其口隱於頤一身之力皆在鼻過食以鼻捲之其足有爪無指登山涉水甚捷畏鼠入鼻膽不在腹淳化間上苑象斃太宗命取膽不獲問徐鉉曰在前左足既而剖之果得又問其故鉉曰象膽隨四時死在春故知前左足象產於交趾白象出而竺弗林大食諸國龜甲重三百六十神龜為之長王者之嘉瑞也爾雅云一神龜二靈龜本草云即秦龜也其甲有文似璆瑁而薄能鳴其甲可以十三攝龜乃小龜也一名蠓龜一名來蛇此龜好食蛇其腹甲曲拆能自解張開四室龜傳

國者所寶五文龜甲有文彩河圖曰靈龜負書出於洛丹甲青文六筮龜常在著叢之下七火龜生於火猶火山之生火鼠記曰人得名龜財物歸之家必大富一曰北斗龜二曰南辰龜三曰五星龜四曰八風龜五曰二十八宿龜六曰日月龜七曰九州龜八曰玉龜凡八名龜各有文在腹下不必滿一尺二寸長七八寸者亦可寶也易曰或益之十朋之龜注曰大寶也龜之中一行五方勝以應五行左右各四方勝以應八節周外左右各一十二方勝以按二十四氣通共三十七數以應乾之策三十六而太極居中不

動之一數底板下為地左右各六共十二方勝以應  
十二州分野之數通背上三十七數共計四十九數  
即合太極虛一之數抱朴子云千歲之龜五色具焉  
孟郊詩呼龜曰玄夫史記曰玉靈夫子古今注云玄  
衣背郵宣室志云洞玄先生莊子曰清江使者

騶虞 角端

騶虞仁而不害戲於湯時角端立而能言見於元世  
按騶虞白質黑文視首虎軀聖王在上則出不踐草  
木食自死之肉其身五彩尾長於身乘之日行千里  
即白虎也河圖括地象曰玉虎也春秋演義圖曰仁

而不害湯時戲於朝。檣物叢。語云角端一角鹿形馬  
尾人立而言好生惡殺。解西夷語。元太祖至東印度  
國。見之日行一萬八千里。一富家客常以薄肉款客  
客戲之曰。老官的刀剛且鋒。阿媽的手輕且鬆。切起  
肉兒像捲筒。窓前忽起微微風。忽然吹入半空中。忙  
騎角端追其踪。又過巫山十二峯。雖俚語亦發一笑。

犀 鯨

通天之角戴於犀首。明月之珠出於鯨目。

爾雅犀狀如水牛。豬頭大腹卑脚。三蹄皮黑。額上二  
角長鼻上一角短一孔三毛。海竹水開故名。利涉候

角退埋之人作木角以易再三不易舊處一種二角  
又有一角者名曰山犀犀之美者可以破水駭雞能  
解鴆毒抱朴子曰通天之犀有白理如線盛於水中  
雖見而駭嶺表錄異云犀有二角在額上者名兕犀  
在鼻上者名胡蜎犀牯犀亦有二角其角重七八觔  
者名墮羅犀敬宗時南昌進夜明犀光照百步開元  
中交趾進辟寒犀冬月煖氣襲人按鯨海之大魚也  
本作鱣今作鯨一說雄曰鯨雌曰鯢爾雅云鯨目如  
日月鼓浪成雷吐沫成雨其珠在目大者長數十里

千金之驥追風逐電裕如也使之捉鼠無跛猫之能  
九萬之鵬圖南簸海綽然也使之毆雀無晨風之技  
驥良馬也如周穆王之八龍曰絕地翻羽奔霄越影  
踰輝超光騰霧挾翼漢文帝之九逸曰浮雲赤電絕  
群逸驃紫燕綠離驄龍子驊駒絕塵秦始皇之七馬  
曰追風白兔躡景追電飛翽銅爵晨鳧唐太宗取回  
紇得十駿有皎雪驄飛霞驃翔麟紫奔虹赤之類世  
言馬捉老鼠蓋譏其粗撞不識事體也唐照鄰云命  
鸞鳳兮逐雀驅龍驥兮捕鼠馬異詩云將吾劍兮切  
游泥使良驥兮捕老鼠莊子曰騏驥驂騑一日而馳



千里捕鼠不如狸狌言殊技也按莊子逍遙篇鵬也  
海運則將徙於南溟南溟者天池也鵬之徙於南溟  
也水擊三千里搏扶搖而上者九萬里以六月息也  
按晨風鷦也一名鷽孟子曰謂叢鵒雀者鷽也又名  
鵒謂其目明而遠視也爾雅謂之鷽廣雅謂之籠  
脫齊人謂之題肩莊子曰鷽為鷽鷽為布穀久復為  
鷽夫鷽不能捉鼠鵬不能鵒雀何也猶士君子含章  
韞美達而振綱肅記匡時政以濟蒼生能事也若使  
之為雞鳴為狗盜難之

鹿牛

鹿比其類而環角外向以自防牛衛其犢而環角外向以角虎

按鹿性多警善決驟食必分背走必成群居則環角外向恐人物之相害也黃山谷曰伊尼虞世南賦云華山道士事林云鉅鹿侯按牛有數種蒼色大目曰犖牛赤尾豎頭曰領胡赤曰騂黃曰騂白曰牯黑曰犖純色曰犧其子曰犢牛羊之齒有下無上故曰戴其角者少其齒兩其足者忝其翼

蒲牢 饕餮

蒲牢好音鑄於鍾鈕饕餮饕好水鑄於橋磯

按九種龍一曰朝風好陰殿角之獸二曰囚牛好音  
樂器之獸三曰蒲牢好鳴鍾鈕之獸四曰睚眦好殺  
刀頭之獸五曰負蝨好文碑旁之獸六曰霸下好負  
碑座之獸七曰蚩吻好望殿脊之獸八曰狻猊好坐  
佛座之獸九曰狴犴好訟獄門之獸又一說九種龍  
一曰虺蜺好陰屋脊之獸二曰饕餮好水橋下之獸  
三曰蜻蛉好慵門前之獸四曰憲章好囚獄門之獸  
五曰蜥蜴好程刀頭之獸而蒲牢霸下負蝨按江東  
賦云蒲牢海獸也聲如鍾性畏鯨鯨躍則鳴故鑄鍾  
作蒲牢形於鍾上新桐為鯨形撞之則鍾大鳴

羊 狐

羊負臯比見青莠而心悅過於菟則戰也狐假虎威詐百獸而皆走逢韓盧則遁也

按羊有白黑褐三色禮記曰柔毛胡羊曰羴羴小者為羴毛長尺餘者為羴羴河東陝西出者曰青羴一角一目在耳後者曰羴羊而羴有三德有角而不用類好仁執之不鳴類好義飲母乳必跪類知禮諸羊之性淫而狠其腸九迴詩云江流曲似九迴腸按臯皮虎皮也左傳莊十年齊宋師次於郎公子偃自雲門竊出蒙臯皮而先犯之大敗宋師按於菟虎也楚

人稱虎曰於菟左傳令尹子文初生棄於夢澤虎乳之楚人謂乳曰穀謂虎曰於菟其姓闕氏名曰闕穀於菟菟者草也杜詩與奴白飯馬青菟楊子曰羊質而虎皮見草而悅見豺則戰按戰國策江乙對宣王曰虎求百獸而食之得狐狐曰天帝令我長百獸今子食我是逆天命也子不以我為信吾為子先行子隨我後觀百獸之見我而敢不走者乎虎以為然遂與之行獸見皆走故曰狐假虎威按韓盧名犬也淳于髡曰韓盧者天下之俊犬也東郭魏者海內之狡兔也犬逐兔勝山者五環山者三兔極於前犬疲於

後曰父見而獲之今齊魏相持恐強秦大楚乘其後  
而有田父之功也按狗有環爪曰犬長喙曰獒如吠  
曰獨皆田犬也龍犬高四尺曰獒晉人呼為神獒逐  
虎之犬曰狎地中得犬謂之地狼搜神記謂之烏龍  
宋人謂之宋狎何遜曰蟻蝓杜庭曰吠雲東坡烏  
喙陸機曰黃耳能寄書後犬死葬之名黃耳塚蒙古  
人呼為內和仲尼畜狗死使子貢埋之曰吾聞弊  
不棄為埋狗也丘也貧無蓋於其封也亦與之席毋  
使其首陷焉候鯖錄云滕元發在僧寺脩業烹寺中  
犬食之僧笑曰先生能作偷狗賦即不申理破題云

僧惟不浮狗也宜偷既欲思於食腹遂乃設於空喉  
餅餌引來猶擺續貂之尾索絢牽去難回顧兔之眸

巴西侯 孫供奉

居相愛而食相讓巴西侯之仁也朝而三暮而四孫  
供奉之仁乎

巴西侯猿也宣室志云吳郡張鋌行次巴西有人於  
道左出拜曰吾主君奉邀乃巴西侯耳既見飲酒命  
樂將半鋌亦假寐將曉悸而寤見身卧石龕中有一  
巨猿狀如人醉卧於地鋌潛出猿似猴而大或黃或  
黑通臂輕身故善緣能行氣故得壽其類仁讓焉相

愛食相讓行有列飲有序有難則內其柔弱者在中  
不踐蔬稼木實未熟則相與謹守既熟嘯呼成群舂  
食其臂通肩刺之可以為笛性極畏鼠繫鼠於頸猱  
不敢動王裕仁名曰野賓宣室志曰黑衣郎巴西候  
曰山公曰林泉逸士曰閑雲處士皆猿之別名按孫  
供奉猴性不仁與猿相反雖群不善滄相噬行無列  
飲無序有難則推其柔弱者以自免好踐蔬稼木實  
未熟則竊食之其性動每至林木皆振響列子曰宋  
有狙公愛畜狙而家匱將限其食曰與若茅朝三而  
暮四衆狙皆怒曰朝四而暮三何如衆狙皆悅



的顱 獬豸

的顱脫檀溪之厄獬豸為南海之殃  
三國志劉備初奔劉表屯樊城左右欲害備覺如  
廁便出所乘之馬走墮襄陽之西檀溪中備急謂的  
顱曰今日急不可不努力一躍三丈得過免難獬豸  
生南海龍爪似虎而黑迅走食人為民大害堯使羿  
上射十日下殺獬豸長楊賦云秦封豕其士竊窳其  
民竊窳本作獬豸封豕者按左傳有仍氏生女樂正  
后嬖娶之生伯封實有豕心貪婪無厭謂之封豕

黔駒

舞馬

驢

黔音乾

穿牛鼻而使之耕絡驢首而使之乘人制之也衣馬  
繡而使之舞戴猴冠而使之戲食教之也

牛釋義見前驢似馬長耳生子曰驥驕柳文云黔之  
驢有好事者船載之以入市至則無可用放之山下  
虎見之龐然大物也以為神蔽林間窺之稍出近之  
憖々然莫知他日驢一鳴虎大駭以為噬已也甚恐  
然往來視之竟無異能者稍近益押蕩倚衝冒驢不  
勝怒蹄之虎因喜曰技止此耳跳踉大噉其肉而去  
投筆記鼯鼠黔驢技未精此也按明皇雜錄唐玄宗  
教舞馬四百蹄分為左右部俱有名稱曰某家驕其

曲曰傾家樂背衣以錦繡絡以金鐸每樂作奮首鼓  
尾縱橫應節祿山取數十足歸范陽及祿山敗後為  
田承嗣所得不知焉有此技也一日大饗樂作馬聞  
樂而舞廐人以為妖擊之而斃按樂記云優雜子女  
注云乃猴戲也言舞者如猴詩云毋教猱升木陸機  
云獼猴也一曰毋猴一曰猢猻詩疏云猱獨猴也楚  
人謂之沐猴古時有沐猴鬪狗之戲少府檀長卿能  
為沐猴舞唐昭宗時有弄猴者隨班起居賜緋時號  
孫供奉

壯

豹  
矜  
矜

豹齒至堅可假佛牙以誑俗羚羊多感可碎金剛而破幻

豹齒骨極堅以刀斧鎚鍛鉄皆碎落火亦不能燒詐為佛牙佛骨以誑愚俗惟羚羊角擊之則碎羚羊角出西域諸蠻有兩角者有一角者極佳極多節

象 麝 麝 麝

象以牙觸石麝以爪出香知為身害也麝以尾辟麝麝以形辟邪皆出性成也

象稱長鼻將軍將死以牙觸石埤雅云麝形似麝性好啖蛇夏時食蛇既多至天寒時香滿即以爪出香

于屎溺中人若迫逐即投高岩舉爪出香至死猶拱  
四足而保臍按鹿大而色白者為麀出則群鹿隨之  
視塵所往為準其尾善能辟塵唐白居易云麀象鼻  
犀目牛尾虎足南中志云麀大如駟形頗似熊多力  
食鉄廣志云麀色蒼白其皮溫暖寢其皮可以辟瘟  
圖其形可以辟邪

橐駝

阿紫

阿紫

橐駝匈奴之寄畜也知水脉而善行流沙阿紫古先  
之淫婦也為火災而變美女

按廣志天竺以北出橐駝大於水牯紫色背有肉鞍

力能負重知水脉識泉源博物志燉煌西度流沙外  
國千餘里無水有伏流處人不能知駝輒不行以足  
踏地掘之得水山海經駝足四節善行流沙負千觔  
日行三百里四夷傳云流沙數百里夏多熱風駝則  
預知有風則鳴驟埋口於流沙中人則以氊擁鼻否  
則危殆矣于闐國有風脚馳日行七百里按阿紫狐  
也形似黃狗鼻尖尾大性多疑今人議事不決謂之  
狐疑名山記云狐者古先之淫婦也其名紫以化而  
為狐汶中記千歲之狐為淫婦百歲之狐為美女說  
文云狐妖獸也善聽水下無水聲然後渡河白虎通

云禹娶塗山氏有九尾白狐之瑞抱朴子曰狐壽八  
百歲能變為人管輅傳有一物如獸手持穴以口吹  
之一書生舉刀斷其腰視之乃狐也曰成陽侯曰田  
叅軍曰玄丘校尉皆狐之別名也

熊 獺

獺

熊死於塩獺斃於酒

熊大於豕而性輕捷山居能緣高樹見人則顛倒投  
地而不行數十里悉有陰蹄之狀冬入穴而藏蟄春  
始出掌為珍味食塩則死左傳云堯殛鯀于禹山其  
神化為黃熊以入於羽淵實為夏郊三代祀之齊僭

記云獺似狐而小青黑色水居食魚月令正月獺祭魚謂取魚祭天乃敢自食報本也西戎以獺皮飾羣服領袖以其不染塵垢也若灌之以酒則死

羊豕

江南以東羊白而豕黑江南以西羊黑而豕白

禮記謂羊曰柔毛曰少牢類說云羶根裴曜卿曰髯卽曰饒率崔豹古今注曰長髯公又曰長鬚主簿黃初平叱石成羊故曰白石道人蒙古人曰忽你呼羯羊曰一兒哥呼小羊曰忽魯罕按豕狔豚羴皆猪之總名也在山曰野猪形類家猪但腹小而脚長色褐



而肉赤三歲膽中有黃其老猪曰伏小猪曰纯野猪  
曰徇祭祀之禮豕曰剛鬣宋人呼老母猪曰艾豨衛  
靈公之夫人南子與宋朝私通衛太子使齊至宋野  
宋人刺而歌之曰既定尔縷猪盍歸吾艾豨其義詳  
詩經来孚責彭寵書曰伯通自伐以功高天下往時  
遼東有豕生子白頭異而獻之行至河東見群豕皆  
白懷慙而還若以子功論於朝廷則遼東豕也洞微  
志謂猪曰勃賀古今注云烏將軍長喙將軍拱州人  
畜猪致富號猪曰烏金蒙古曰唐無四

麋鹿

河豚

麋鹿無魄道家許食河豚有毒吳儂所珍

麋似鹿而小性多驚道書言麋鹿無魄陶隱居云麋鹿無魄非支辰所屬又八卦無主即生死無由故道家許聽其麋鹿為脯而食之一名麋詩云野有死麋白茅包之有女懷春吉士誘之按河豚之性多怒觸之則怒氣滿腹翻浮水上其味雖珍治不如法食則殺人惟椒欖及蘆根之汁可解其毒一名鮭其眼能閉無膽無腮無鱗其口味極美號西施乳吳人極尚

兔

狡兔三窟僅免死鼯鼠五技而尚窮

埤雅云兔口有缺吐而生子凡咀嚼者皆九竅而胎  
生惟兔雌雄皆八竅雌絳雄尾而孕子從口出生子  
曰婉其狡者名曰兔又其大者前足寸餘後足數尺  
行則後足躍數尺止則朴地謂之蹶兔亦曰蹶蹶

鹿魚

鹿戴玉而角斑魚懷珠而鱗紫

抱朴子曰鹿六十年必懷玉於角下其角有斑痕紫  
點魚之鱗紫者截珠於目

鼠 鼯 鼠

鼠見人而拱立不識者以為禮而敬也實乃是穿窬

小人蟬見人而橫行不知者以為躁且暴也豈識是無腸公子

按鼠有數種在人家者晝伏而夜出總名老鼠冬夏水居名曰水鼠居田野間其色黃噬雞鴨名曰黃鼠其鼯鼠首似鼠無尾而黑足伏滄海中大者千觔莊子曰鼯鼠飲河不過滿腹屠書云田鼠化為鴽者此鼠肥而多膏口鼻尖大而黑色常穿地行歲旱則為田害郭璞謂之鼯鼠地中行是也南越志云鼯鼠緣於木上鼯鼠行於地中有鼯鼠形大如拳豹首而虎文有隱鼠赤白毛大如牛黔州之鼯鼠狀如蝙蝠

大如鳶其毛紫而黑夜行飛生人見之多以為怪河  
東有大鼠能人立交前足於頸跳舞善鳴西皆有土  
撥鼠能穴土為巢形如獺有禮鼠見人則拱而立魏  
後苑有白鼠有火鼠毛長丈許入火不焚可為火浣  
布北方有冰鼠冰厚百尺有鼠在下食冰毛長百尺  
亦可為布曰社君曰家兔曰白衣曰穿窬小人皆鼠  
之別名也抱朴子曰山中無腸公子者蟬也蟬橫行  
詩云但見橫行疑是躁不知公子實無腸

獼

獼避害營曲穴以深藏猴好動至林木而振響

按獾色黃而微黑尾短毛臭而肉羶山陝遼東皆謂之狗獾吳越皆呼刁黃善為曲穴而避藏防人害也

獨鼯

獨一鳴而猿散鼯一鳴而驚伏

獨形似猿而大能食猿一呌而猿散鼯似魚有足長尾黑鱗畧似蜥蜴長丈餘甲如鎧能橫飛不能上騰其聲如鼓其皮堅厚可以冒鼓李白云吹龍笛擊鼯鼓又善夜鳴而應更初更一鳴二更最鳴性好睡常閉目能吐霧致兩力健而能頽岸其肉十二肖具焉驚性畏鼯聽其鳴故伏

虎 貉

虎之所在鹿必鳴以告獾之所穴貉必同以居  
鹿似鹿而小一名薮旌毛狗足皮可為靴襪大者為  
麋鬻子云麋知虎之所在必鳴貉似狐善睡其頭尖  
銳與獾同穴皮可為裘語云狐貉之厚以居行數十  
步輒睡以物警之乃起既行復睡貉不踰汶

狼 狽

狼倚狼足而行蠅附驥尾而至  
狽乃狼屬無前足附狼而行失狼則不能動漢紀云  
周勃狼狽失據謂此其性貪爭食以養口軀孟子曰

養其一指而失肩背則為狼疾人矣一名滄浪君其形似犬銳頭白頰性怯走極善顧其後用糞以燒烽火雖風不斜謂之狼煙者此也其鳴諸孔皆涕列子曰狼作聲而諸竅皆涕狐若鳴而後竅應之周宣王得白狼而夷狄賓伏漢光武與隗囂書云蒼蠅之飛不過十步自托於騏驥之尾乃騰千里之路

白老 神女

白老夏至而鼻煖神女七夕而毛脫

按白老猫也唐刺史家七夕月下見七八白衣語曰白老將至柰何白衣乃鼠也猫鼻常冷惟夏至氣煖



其眼旦暮睛圓子午一線卯酉正圓辰戌丑未棗核  
尖寅申巳亥銀杏樣按神女鵲也謂之鵲橋者七夕  
歌云神官召集役靈鵲直渡銀河橫作橋七夕毛脫

蝟  
蝟牙

蝟遇鵲則仰腹而受啄燕逢塵則落羽而潛形  
蝟狀如鼠而大棘端分兩岐者曰蝟如棘針者曰蛭  
其性極鈍有物少犯則毛刺攢起如矢性極畏鵲能  
制虎其膽耳

獫  
獫 鴈  
獫本作然 鴈又作豸

獫性仁生相序而死相赴鴈性直罪必識而邪必觸

按獫狁似猿而身青髯頰俱黑性好理髯其皮五色可為裯毯人以葉矢射之其偶謂之拔矢因以自刺與之俱死按薦一角能觸邪一作豸

風母

吳牛

風母又作獵母

風母已死得風而復活吳牛畏日見月而猶喘風母似猿見人若慚出頸打殺得風還活出劉欣交州記吳牛水牛也蒲奮曰臣猶吳牛見月而喘

黃耳

白犢

黃耳附陸機之書白犢免宋人之死

述異記陸機好獵在吳有豪客獻快犬名黃犬機後

仕洛語犬曰我家絕無書信汝能馳往否犬搖尾作  
聲應之機為書盛以竹筒繫之犬頸犬出驛路走向  
吳饑入草噬肉取飽每經大水輒依渡者掉尾向之  
其人憐愛因呼上船載近岸則騰上速去及到機家  
開筒取書看畢犬又向人作聲如有所求其家作書  
內筒復繫犬頸仍馳還洛後犬死殯之去機家二百  
步呼為黃耳塚陸機宅在府城中南門外有黃  
耳塚在陸機宅村南梅堯臣詩晴雲唳鶴幾千隻隔  
水野梅三四株欲問陸機當日宅而今何處不荒蕪  
宋人有行義者三世黑牛生白犢孔子曰此吉祥也

居一年其父育牛復生白犢其子又有後楚攻宋此  
丁死者大半惟父子瞽疾皆免

夔 狼

夔皮冒鼓雖輕擊而遠聞狼糞燒烽雖風吹而直上  
夔似牛一足而蒼色無角而聲如雷以皮為鼓聲聞  
三百里狼義釋前

萬 猩猩

萬萬笑而被格猩猩醉而被擒

萬萬產西南夷似猴人面而赤色其髮極長可為頭  
髮高脚長頸猛而有力宋孝建中注簿常文禮進雖

惟二頭帝曰朕聞萬萬力負千鈞既力如此何由致  
之土人丁鑿曰萬萬見人則執手而笑笑則上脣掩  
其目人以釘釘其額任其奔馳死而取之猩猩能言  
似猿人面聲如小兒一云人面豕身出交趾數百為  
群人以酒併糟設於路側重結草履猩猩視之則知  
張者祖考姓名呼云奴欲張我捨去復自謂曰試其  
嘗之及醉取履著之為人所擒里人索肥者乃自推  
肥者泣而遣之西國取其血染毛罽刺其血問之與  
我幾許若加鞭箠問之隨所加可得一斗山谷詩云  
愛酒醉竟能言機事淮南子曰猩猩知人姓字此知

往也醉被人擒不知來也乾鵠知歲多風巢於下枝  
此知來也而不知童子探其卵此不知往

大貍 猛豹

豹

大貍溺能消鐵猛豹舌能舐銅

白樂天題屏上貍像云象鼻犀目牛尾虎足寢其皮  
辟瘟圖其形辟邪溺能消鉄為水猛豹即猎猎也似  
熊而小其黃毛者名曰魑而猛豹形亦似熊而毛光  
澤不黃能舐食銅鉄

兕

雌音受

兕善觸制為罰爵雌性孝繡飾衮衣

兕野牛也青色一角善抵觸制為罰爵名曰兕觥白  
兕謂之上瑞五代時占城國進水犀按雖似猴鼻孔  
向天尾長過頭白質黑文如遇天雨以尾塞鼻毛溫  
而細其性孝一名膺膺爾雅云雖仰鼻而長尾一  
云出西戎而東海傍皆有之似狐而大尾長皮白毛  
黃三莖共一次或云新羅國之海狗也山海經云雖  
似猴鼻孔上向尾長四五尺頭有岐蒼黃色而則懸  
樹以尾塞鼻孔衮衣上之宗彝即虎雖也取其孝

羊

羊有頭而率群羸有奴以警夜

羊性淫而狠其出入圜中有一羊為首以率群羊王  
荊公鴈奴詩鳴鴈無定棲隨陽以南北嗟嘆以為奴  
至性能懇惻人將俟其怠奴輒告之急舉群寤而飛  
雖巧無所得夜或以火取奴驚火因匿頻驚莫我捕  
顧謂奴不直嗷嗷身其憂民民衆衆息相隨入燴燴  
豈不聽者惑偷安與受給自古有亡國君看鴈奴篇  
禍福甚明白

旱魃 商羊

旱魃見而亢陽肆酷商羊舞而涿水為災  
神異記云南方有人長二三尺袒身而目在頂上行



走如風名曰旱魃見則大旱赤地千里見者投之溷中乃死而旱灾則消按家語云齊有一蜮鳥跳躍於庭群臣莫識孔子曰此鳥名商羊昔兒童有屈其一足而謠曰天將大雨商羊鼓舞而齊有之將有水灾

豺 獍

豺又作豺

豺祭獸獍祭魚知報本也獍食父梟食母太不孝乎豺狼屬也形似狗而聲亦如狗長尾而頰色黃腴細瘦季秋之月以獸祭天亦猶鷹獍之祭鳥祭魚皆知報本也按獍似貙而虎眼勇而食父梟大則食母漢時冬至斬梟首掛於木上以警不孝故又名掛首午

日作梟羹以賜群臣惡其害母明其不孝之故也

獺 蜮

獺以氣吹人則死蜮以沙射人則瘡

北方有獸其形如獅勇能食虎口氣吹人則死黃帝殺之由此人無憂疾說文云蜮短狐也似鱉三足能以氣射故一名射工詩云射工巧伺遊人影是也柳文云射工沙蜮含怒竊發中人形影動成瘡瘡在獺云蜮含沙以射人影博物志云射工虫長一二寸口有弩形以氣射人之影能殺人其居水旁山林之間含沙射人者名曰沙蜮

泥

竊聞苛政猛於虎笑殺山翁醉似泥

家語云孔子過泰山聞婦人哭孔子問之婦曰吾舅  
與夫及子俱死於虎子曰何為不去曰無苛政孔子  
曰小子識之苛政猛於虎也按泥出東海純肉無骨  
在水則活失水則似醉如泥今人云濫醉如泥是也